

影印
四庫全書

四庫全書

影印

文淵閣四庫全書

第三一五冊

北京出版集團公司
北京出版社

本冊目次

續資治通鑑長編(二)

宋 李 燾撰……………一

欽定四庫全書

史部

續資治通鑑長編卷六十一至

詳校官檢討臣劉錫五

刑部郎中_臣許兆椿覆勘

纂修官編修臣楊壽楠

謄錄貢生臣張大同

謄錄貢生臣苗序瀛

欽定四庫全書

續資治通鑑長編卷六十一

宋 李燾 撰

真宗

景德二年八月丁丑朔以翰林學士李宗諤左諫議大夫張秉同判太常寺仍命內臣監修樂器時殿中侍御史父仲孺上言每監祠祭伏見太常樂器損闕音律不調郊禮在近望遣使修飾及擇近臣判寺故以命宗諤

欽定四庫全書

續資治通鑑長編
卷六十一

等宗諤素曉音律乃令太樂鼓吹兩署工較其優劣黜去濫吹者五十餘人宗諤因編錄律呂法度樂物名數目曰樂纂又裁定兩署工人試補條式及肄習程課皆施行之

戊寅羣臣復上表請郊畢聽樂如故宰相繼以面請卒不許

庚辰永興鳳翔節度使太傅兼中書令雍王元份薨贈太師尚書令追封鄆王謚恭靖上於元份友愛尤篤元

份寢疾上時在澶淵聞之甚憂就遣太醫中使旁午於路及還京屢自臨省醫禱俱至元份母任氏早卒特贈太儀以慰其心既薨哭之甚哀他日見宰相語及再三雪涕舊制親王母為太妃公主母為太儀時不欲有妃號故特贈太儀

辛巳詔諸州縣案帳要切文書鈔榜等委官吏上籍收鎖無得貨鬻毀棄仍命轉運使察舉違者重寘其罪時衛州判官王象坐鬻案籍文鈔除名為民配隸唐州因

欽定四庫全書

續資治通鑑長編
卷六十一

二

著條約

癸未令諸路轉運使不得以京朝官使臣隨行指使

三司言利州轉運司稱閬州素出鼂器請約所售價收

其算不許

丙戌西川轉運使黃觀言益州將吏民庶舉留知州張詠詔褒之始車駕北征四方搖心詠慮遠夷乘隙為變欲出奇以勝之因取盜賊之尤無狀者磔死於市衆皆懾服遂底嘉靖每訊牒使文久不得判詠率爾署決莫

不允當蜀中喜事者論次其詞總為誠民集鏤板傳布上嘗遣使巡撫西川因令諭旨曰得卿在彼朕無西顧之憂也 詔以劉永珪新定權衡法附編敕實錄會要皆云詔以永珪所定權衡法附編敕而不頒下集永珪新式自淳化三年已行用矣不知此所謂不頒下者果何法也會要云景德中永珪重加參定其法益為精備所謂不頒下者豈此法耶其實與淳化所用不殊常是已行用故不復頒下而永珪新式及是始附編敕耳當考

丁亥翰林學士右諫議大夫晁迥責授左司郎中依前充職初迥與給事中馮起等五人並為鄆王元份留守

欽定四庫全書

續資治通鑑長編
卷六十一

三

官屬王以獄逸囚驚悸得疾遂死迥等坐輔導無狀并及於責

戊子詔咸平編敕後續降宣敕所在編錄二本一長吏

主之一法司行用轉運使檢察無漏落 命河北轉運

使劉綜提點雄州推場孔揆等與諸州軍長吏共平推

場物價以和好之始務立永制也

己丑令三司抽算商旅茶許民就西京白波鞏縣及緣

河倉入粟博買從殿中丞京兆周實之請也

庚寅令益梓利夔諸州管內鎮將不得捕鄉村盜賊受詞訟 全椒縣主簿知縣事王嶽為歙縣令嶽在全椒有清政轉運及使者連薦其能故移宰劇邑 免秦州所逋博羅軍糧八千六百九十餘石 通判鳳翔府王為寶請於興元府置榷茶務上以擾民不許

上之駐蹕澧澗也樞密使陳堯叟慮敵騎侵軼建議令緣河悉撤橋梁毀船舫稽緩者論以軍法河陽河中陝府皆被詔監察御史王濟時知河中獨持其詔不下曰

欽定四庫全書

續資治通鑑長編
卷六十一

四

陝西有闕防隅礙舳舻連屬軍儲數萬奈何一旦沈之且動搖民心因密疏奏寢其事上深嘉嘆遣使褒諭甲

午詔拜工部員外郎兼侍御史知雜事賜金紫

記開載王濟事

又云陝州通判張績時以公事在外州中已撤浮橋績聞河中不撤乃復修之寇車由是知此二人績亦以此為三司判官轉運使按是年十二月丙申實錄書賜殿中丞通判滄州張績留權三司鹽鐵判官明年三月庚戌人書殿中丞張績為度支判官記開稱陝州通判實錄乃稱滄州通判不知何故常考或附九月壬戌日

初鄆王元份娶崇儀使李漢瓚之女性悍妬慘酷宮中女使小不如意必加鞭挞或有死者上每有恩賜詔令

均給本宮而李盡取之罕所需及元份既卧疾上親臨問見左右無人供侍因輟宮人為主湯劑女使因笞捶廢疾一日因謀燔焚衆救之而止始太宗上僊戚里皆赴宮中朝晡臨惟李多稱疾不至上不欲遂成其惡特於殿隅別設幄帟屢召始入又元份生日李以衣服器用為壽皆飾以龍鳳元份薨李無戚容而有謗上之語上既盡知其所為以元份故為優容之及是復不欲顯究其罪狀乙未命削國封置之別所

欽定四庫全書

續資治通鑑長編
卷六十一

五

丙申樞密直學士兵部郎中邊肅知宣州坐與趙諫往還故也

先是大理寺斷禁軍逃亡在赦限內捉獲者斬赦限外即准律減等上曰此刑名殊非允當令赦限內不首者重去赦達不首者輕乃詔詳議己亥詔亡命軍士及劫盜赦限內捕得罪至死者奏裁限外劫盜準法亡命軍士罪至死者杖脊黥面流沙門島情理重者奏裁罪不至死者不以赦限內外並依常法

庚子詔應賊盜贓物自今委長吏通判官親付本主處為下吏所因致斷獄失實也 詔府州蕃漢雜處號為難治宜令審官院銓司擇其通判錄事參軍

癸卯除戎州突儒渡錢

甲辰三司請令京東以稅輸送河北諸州京西轉運使請於部內配糴芻糧皆不許 河北轉運使劉綜請擇文學器識之士通判緣邊州軍使其商度邊事及往還北境文牒從之 有星孛于紫微 太常博士馮璉知

欽定四庫全書

續資治通鑑長編
卷六十一

光州璉前為廣南轉運使規畫乖當故責之

乙巳徙兩浙轉運使陳象輿知饒州坐與趙諫往還故也 詔河南州軍所管鄉縣在河北者今年秋租許就便于德棣州輸送 詔涇原儀渭等州蕃部所給馬價茶緣路免其筭

九月丙午朔屯田員外郎陳奕兼武信軍節度掌書記賜緋時安定郡公惟吉節度武信闕掌書記上謂宰相曰惟吉知書當於朝臣中擇有詞學廉謹者為之審官

院以奕名聞上令中書延見之畢士安等言奕如所舉乃召對便殿而有是命

丁未上以趙德明誓約未定即命向敏中自知永興軍府改為鄜延都部署兼知延州使經畧之 上封者言郊丘神位神板皆有司臨事題署多不嚴肅詔鹵簿使王欽若改造欽若言五方帝位板如靈威仰赤熛怒皆是帝名理當恭避望下禮官檢定禮官言按開寶通禮義纂靈威仰赤熛怒含樞紐白招拒叶光紀者皆五帝之號漢書注五

欽定四庫全書

續資治通鑑長編
卷六十一

七

帝自有名即靈符文祖之類也既為美稱不煩迴避詔可欽若又言壇圖神位升降未便漢書郊祀志五帝為天神之佐今五帝在第一龕天皇大帝在第二龕與六甲嶽瀆之類同處北極衆星所拱今與尚書大理之類接席帝坐為天市之尊今與二十八宿積薪騰蛇杵臼之類同在第一龕卑主尊臣甚未便也若以北極帝坐本非天帝蓋是天帝所居則北極在第二帝坐在第三亦高下未等又太微之次少左右執法子星之次少孫星天賴當為天福天

記當為天紀望令司天監衆官參驗聞奏詔欽若與禮儀使太常禮院司天監同檢討詳定欽若言本因臣所陳情不可復同商榷許之既而禮儀使趙安仁等言得崇文院檢討杜鎬陳彭年狀按開寶通禮元氣廣大則稱昊天據遠視之蒼然則稱蒼天人之所尊莫過於帝託之於天故稱上帝天皇帝即北辰耀魄寶也自是星中之尊易曰日月麗乎天百穀草木麗乎地又曰在天成象在地成形是明辰象非天草木非地則是天以蒼昊為體不入星辰

欽定四庫全書

續資治通鑑長編
卷六十一

之列又郊祀錄壇之第二等祀天皇帝北斗天一太一紫微五帝坐並差在行位前餘內官諸位及五星十二辰河漢都四十九坐齊列俱在十二陛之間唐建中元年司天冬官正郭獻之奏天皇帝北極天一太一准天寶中敕並合升在第一等從之貞元二年親郊令禮官詳定太常卿漢中郡王瑀與博士柳冕等奏開元定禮垂之不刊天寶改作起自權制皆方士謬妄之說非典禮之文請依禮為定詔復從開元禮仍為定制郊祀錄又云壇之第三等有

中官市垣帝坐等十七坐並在前開元禮義羅云帝坐有五一在紫微宮一在大角一在太微宮一在心一在天市垣即帝坐者非直指天帝也又得判司天監史序狀天皇帝一星在紫微宮陳中其神曰耀魄寶即天皇是星五帝乃天帝也北極五星在紫微垣內居中一星曰北辰第一主月為太子第二主日為帝王第三為庶子第四為嫡子第五為天之樞蓋北辰所主非一又非帝坐之比太微垣十星有左右執法上將次將之名

欽定四庫全書

續資治通鑑長編
卷六十一

九

不可備陳故名太微垣星經舊載孫星而壇圖止有子星辯其尊卑不可同位天輶主鑒輿輦較不當作福字天記一星在午堦第四龕別有天紀九星在寅堦第三龕壇圖並載不當合而為一竊惟壇圖舊定悉有明據天种定位難以躋升望依星經悉以舊禮為定詔從安仁等議欽若復上言舊史天文志並云北極北辰最尊者又勾陳口中一星曰天皇帝又鄭元注周禮謂禮天者冬至祭天皇帝於北極也後魏孝文裡六宗亦升天

皇列五帝之上此皆良史鴻儒所述豈皆方士謬妄耶
古禮舊制未必全是至如九宮貴神天寶立祀在宗廟
之上文宗初舒元輿輒率鄙見降為中祀厥後水旱作
沴元輿果以覆族往者陛下特頒明詔立為大祀靈心
合荅景福並臻今若以方士為妄即九宮之祀可廢乎
至若天市帝坐雖前代未有異論按晉書天文志帝坐
光而潤天子吉威令行既名帝坐則為天子所占列于
下位未見其可又安仁所議以子孫二星不可同位陞

下方洽高禋之慶以廣維城之基苟因前代闕文便為得禮實恐聖朝茂典尤未適中豈可信貞元之末學輕談略經史之羣儒譙論除執法天輒天記三星安仁已有典據今請如舊其天星北極帝坐孫星四坐臣已新製板位恭俟宸旨詔天皇北極特升在第一龕又設孫星位于子星之次帝坐如故欽若復言帝坐止三在紫微太微者已列第二等惟天市一坐在第三等此人情所未安也又晉志大角及心中星但云天王坐實與帝

坐不類詔特升在第二龕 詔州縣官在任廉幹許州
佐職官保奏其幕府官亦許知州通判奏舉皆令本路
轉運使考察連坐上聞異時不如狀一等寘罪在任不
法亦如之 河北轉運使劉綜請令近臣連坐於幕職
州縣官內舉堪任京官知縣官各一員俾知天雄軍相
州管內劇縣上曰河朔宰字尤藉得人然慮舉官或致
稽滯當俟銓司引對常選人察其有績効無罪累者朕
自擇之 會要係九月事 邛部川百蠻都王阿道遣王子將軍
欽定四庫全書 續資治通鑑長編卷六十一 十一
百九十二人來貢方物詔授阿道安遠將軍阿道叔懷
化將軍阿宥為歸德將軍遊奕將軍離歸為懷化將軍
大判官懷化司候任彥德王子將軍部的並為懷化郎
將判官任惟慶為懷化司候 阿道為安遠將軍實錄會要並在明年正月令并書
之 詔興州青泥路依舊置驛其新開白水路亦任商
旅往來

庚戌以淮南旱歟詔轉運使疏理管內繫囚

辛亥詔諸司入流官選滿堂除資叙超異多違舊式自

今並從銓曹投牒注擬准敕格施行 除三泉縣東西

及青島嘉陵西津渡年額錢仍不得以部民為渡子

壬子詔自今宴會宜令御史臺預定位次告示各務端

肅無得喧譁違者殿上委大夫中丞朶殿委知雜御史

廊下委左右巡察視彈奏

癸丑趙德明始遣其都知兵馬使白文壽來貢

甲寅免雍王府記室參軍兵部郎中楊澈削兩任祠部

郎中朱協削一任以其輔導無狀藩邸左右人或踰矩

欽定四庫全書

續資治通鑑長編

卷六十一

未嘗聞達於主故也於是協兄昂致仕踰五年矣尚無

恙乃以書招協協亦告老而歸兄弟皆眉壽時人比之

漢二疏焉

本傳因昂致仕即載其以書招協不知事相去乃五年後也今改之

京西轉

運使鄭文寶請自京給大方茶晉絳州布依河東例博

市軍儲知河南府溫仲舒請等第配糴上以其擾民弗

許所須儲蓄令三司經畫以聞 詔舉放息錢以利為

本偽立借貸文約者從不應為重科罪

乙卯以戶部判官屯田員外郎崔昉為都官員外郎曹

國公府記室參軍賜金紫先是上謂輔臣曰元儼年少

尤資贊導翊善戚維迂懦循默不能規戒崔昉性頗純

謹以之代維庶有裨益因召對而命之昉頌子也

丁巳除越州天章寺田租

戊午光祿寺丞錢易言竊觀文德殿常朝兩班不及三

四十人前秋以朝官奉使者多權借館閣官常朝蓋以

凡掌職務止赴五日起居頗違舊章望令並赴常參詔

應三館秘閣尚書省二十四司諸司寺監朝臣除內殿

欽定四庫全書

續資治通鑑長編

卷六十一

起居外並赴文德殿常參其審刑院大理寺臺直官開

封府判官司錄兩縣令司天監翰林天文官監倉場權

務等仍舊免常參易嘗通判蘄州奏疏言堯放四罪而

不言殺彼四者之凶尚惡言殺非堯仁之至乎蓋國之

所謹莫先乎刑刑不可不本於法不本於法則刑黷而

致暴刑黷而致暴則下無所措手足矣古之肉刑者剝

振黥劓皆非死罪尚以為虐而絕之近代以來非法之

刑斷截手足鉤背烙身見白骨而口眼猶動四體分落

而呻痛未息以此示人故四方長吏益殘暴不已又婺州先斷賊手足然後斬之以聞壽州巡檢使以賊磔於闌闌之中其旁猶有盜物者使嚴刑可戒於衆則秦天下無一點首之亂矣臣以謂非法之刑非所以助治也惟陛下除之上嘉納其言 禁福建諸州軍寺院童行依僧尼真影出家者 判刑部填從吉言目今遇有赦文頒下請差三司館閣官告院吏筆札精熟者書寫每本著其姓名集審刑詳議大理詳斷官校讀錯誤者罪

欽定四庫全書

續資治通鑑長編

十四

之仍請令中使監莅詔可

國家三年一修郊禮必有肆赦冠裳公嘗議撰印以頒四方為衆所沮而止其後外郎覆奏赦書字誤沂公始舉

冠相之議令刑部鑄宿雕字人模印頒行因之日官乞每年頒歷日亦雕板印行舊每歲募書寫人所費三千每模印則三十千仍有沮議曰一本誤則千百本誤沂公語之曰不令一字有誤可矣自爾遵行不改此據王緯百一編當附王曾當國時

辛酉太常寺請自今四時遣太祝奉禮郎二員徧巡行四郊諸壇齋宮有隳損則報寺整葺判寺官春秋躬視從之

壬戌遣太子中允張績乘傳詣解州鹽池致祭時轉運

司言夏秋霖雨有妨種鹽故老相傳唐朝每遇水災必遣使告祭乃不為害故上特親署祝文往禱

張績未見九月甲午

注可考

癸亥權三司使丁謂等上三司新編敕十五卷詔雕印頒行之 有賀蘭棲真者不知何許人為道士自言百餘歲善服氣不憚寒暑往往不食或時縱酒遊市鄺間能啖腐肉至數斤始至嵩山紫虛觀後徙濟源奉仙觀張齊賢與之善於是上遣中使齋詔召赴闕及至作二

欽定四庫全書

續資治通鑑長編

十五

韻詩賜之號宗元大師齋以紫服白金茶帛香藥蠲觀之田租度其侍者未幾求還舊居後五年卒時大雪經三日頂猶熱人多異之

丙寅詔許河中府民齋鐵器過河於近郡貨鬻其緣邊仍舊禁斷 以西京左藏庫使獎州刺史趙延信為滁州刺史延信有舊於宣祖歷事三朝以勤幹稱時出知和州占謝之際特有是拜

延信未見

丁卯令資政殿學士王欽若知制誥楊億修歷代君臣

事迹欽若請以直秘閣錢惟演等十人同編修初令惟演等各撰篇目送欽若暨億參詳欽若等又自撰集上進詔用欽若等所撰為定有未盡者奉旨增之又令宮苑使勝州刺史勾當皇城司劉承珪內侍高品監三館秘閣圖書劉崇超典掌其事編修官非內殿起居當赴常叅者免之非帶職不當給實俸者特給之其供帳飲饌皆異於常等

始孟氏據蜀徙夔州於東山以拒王師而居民弗便轉欽定四庫全書
續資治通鑑長編 卷六十一

運使薛顏奏為復其故城又募民墾施黔等州荒田戊辰顏奏今歲獲粟萬餘石

已巳以戶部判官李含章監朗州酒稅含章徇公潔已而臨事褊執羣吏以簿書稽滯為訟推劾得實羣吏決杖而含章亦贖金仍釐務焉

辛未遣中使齎詔撫問种放於嵩山 上閱開封府囚

帳日繫二百餘人憫其苛留命給事中董儼直昭文館

韓國華與知府張雍慮問情輕者即決之事須證佐者

促成之

壬申詔荆湖溪洞民為蠻人所掠而歸者勿限年月給還舊產

癸酉羣臣三上表請加尊號曰崇文廣武應乾尊道聖明仁孝不允 詔吏部銓常選人有疾者已經引對即依合入資叙注擬未引對者留合入員闕疾痊損施行徙刑部侍郎知天雄軍府趙昌言知鎮州洺州團練使知鎮州上官正改知潞州正累表納祿弗許又懇求

欽定四庫全書

續資治通鑑長編 卷六十一

七

小郡讓公費上念其勞舊皆不允於是授以近藩焉

乙亥詔廣南西路州軍有縱火焚人廬舍情理兇惡者依法決訖刺配五百里外牢城從太子中允盧幹之請

也盧幹未見

十月丙子朔屯田員外郎權判三司勾院杜夢證侍禁

閣門祇候康宗元接伴契丹賀承天節使仍回日充送

伴事已見五月未此或可前

已卯詔緣河官吏雖扶滿須水落受代知州通判每月

一巡堤縣令佐官迭巡轉運使勿委以他職又申嚴盜
伐河上榆柳之禁

本志並著此事於咸平三年蓋誤也
今從實錄但無知通巡堤及中禁伐

本二事今從
本志并書之

先是詔權三司使丁謂取戶稅條目及臣民所陳農田
利害編為書謂乃與戶部副使崔端鹽鐵判官張若谷
度支判官崔曙樂黃目戶部判官王曾叅議刪定成景
德農田救五卷庚辰上之令雕印頒行民間咸以為便
行農田救民間便之據稽
古錄當考其詳崔曙未見

先是潭州攸縣令扈維翰

續資治通鑑長編
卷六十一

十八

欽定四庫全書
坐弛慢轉運使劾奏衝替至是用元日赦書例獲引對
有司言當復為令錄上親閱課狀覩其昏耄乃授鄧州
長史

乙酉吏部侍郎平章事畢士安早朝至崇政殿廬疾暴
作上聞之亟遣使撫問還奏疾甚上即步出臨視已不
能言詔太醫診脉內侍竇神寶以肩輿送歸第而卒車
駕即臨哭謂冠準等曰士安善人也事朕於南府東宮
以至輔相飭躬畏謹有古人之風遽此淪沒深可悼惜

詔贈太傅中書令謚文簡錄其子孫中使護喪事給園
薄葬

丙戌遣度支判官太常博士周漸為契丹國主生辰使
侍禁閣門祇候郭盛副之職方郎中直昭文館韓國華
為契丹國母正旦使衣庫副使燕通事舍人焦守節副
之

尹洙誌國華墓云上令周漸張若
谷凡事當問國華恐飾說今不取

鹽鐵判官秘書丞

續資治通鑑長編
卷六十一

十九

張若谷為國主正旦使內殿崇班閣門祇候郭允恭副
之自是歲以為常漸寔兄允恭從孫也凡契丹主生日
朝廷所遺金酒食茶器三十七件衣五襲金玉帶二條
烏皮白皮鞋二量紅牙筓笛觥栗拍板鞍勒馬二匹纓
複鞭副之金花銀器三十件銀器三十件錦綺透背雜
色羅紗綾縠絹二千匹雜絲二千匹法酒三十壺的乳
茶十斤岳麓茶五斤鹽蜜果三十罐花果三十籠其母
生日約此數焉正旦則遺以金花銀器各二十件雜色
羅紗綾縠絹二千匹雜絲二千匹 詔京東水災罷州
縣不急之務 駙馬都尉石保吉不時請對言僕人張

居簡掌私財有所侵盜願賜重責上曰自有常典豈可
以卿故法外加刑保吉又請於私第決罰亦不許保吉
好治生射利尤吝嗇居常命僕人買針縷脂澤櫛沐猥
細雜物置肆第中家人有所須則令就市之冀緣錢不
出於外其鄰近如此

戊子詔東京畿內和買芻藁比市價已令優給宜更增
之詔嶽瀆廟宇自今所屬知州通判每季一往案行
有隳損者即時修葺

欽定四庫全書

續資治通鑑長編
卷六十一

壬

庚寅以宮苑使劉承珪龍圖閣待制戚綸都大提舉諸
司庫務時議者言輦下庫務其數踰百三十出納或致
因循三司簿領繁多不能案視故特置此職掌舉察京
城儲蓄受給監生能否及覆驗所受三司計度移用之
事焉知審刑院查道權判大理寺尹玘權大理少卿
傳珪審刑院詳議官梁象等四人贖金有差大理寺詳
斷官仇象先等六人並削官一任坐議獄不當為外郡
覆奏抵罪也

傳珪梁象仇
象先未見

詔承天節羣臣所奏僧道

紫衣師號自今具行業保任以聞時所薦多濫故也

癸巳詔中外羣臣郊禋及承天節非親的族屬不得奏
薦虔州雜料場茶園率民採摘頗煩擾詔罷之

甲午使臣自雄州入奏言榷場商旅貿易於北境契丹
國主弟曰隆慶者受其饋獻必還其直又設酒饌犒勞
之且言今與中朝結好事同一家道路永無虞矣上諭
輔臣曰蕃戎之情茲亦可見然更宜慎擇疆吏謹守詔
條也王旦曰孫僅嘗言國主氣濁而體肥隆慶瘦而剛

欽定四庫全書

續資治通鑑長編
卷六十一

壬

果國人多歸之隆慶見本朝歲有贈遺屢勸行賞國中
其志欲激動衆心也

丙申詔自今盜賊黥面配牢城者並於千里之外從大
理評事林陶所請也

丁酉以故唐龍鎮將來懷順子閏喜補三班奉職來遵
子守信補借職仍詔侯閏喜年長即令代父任且命其
叔父懷正權主鎮事先是詔南郊壇行事官勿用老
疾幼弱者秘書省正字晏殊上章願觀大禮上憐其意

許之因詔京官年未及十五願赴南郊陪位者聽

十一月乙巳朔因薄使王欽若奉神位板對于便殿壇上四位塗以朱漆金字自餘皆黑漆第一等金字第二等黃字第三等以降朱字悉貯以漆押覆以黃氈帔上降階觀之即付有司仍戒各謹其事禮儀使趙安仁上新定壇圖且言舊圖五帝五嶽中鎮河漢並在第三等檢詳儀注合在第二等望悉刊正奏可 詔從祀行事官賜昨大禮使至太常寺卿十六段用羊犢使相至知

欽定四庫全書

續資治通鑑長編
卷六十一

三

雜御史五十二段用羊豕 王欽若上鹵簿記三卷詔付史館

丙午河陽節度使王顯來朝請許趙德明稱藩不須納質但加錫以綏懷之又請通青鹽以濟邊民之用

顯此議恐

不因來朝時姑附于此更考之

詔河北州軍百姓糴穀入官所給價

錢出城門者勿禁

戊申命翰林侍讀學士邢昺戶部侍郎張雍龍圖閣待制杜鎬諸王府侍講孫奭於京朝幕府州縣官中薦儒

術該博士行端良堪充學官者十人以聞 翰林學士

李宗諤東上閣門使忠州刺史曹利用在京接伴契丹賀承天節使

辛亥詔光祿寺自今宗廟大饗朔望薦獻並令供御庖人造食務極精潔

丙辰饗太廟

丁巳合祭天地于園丘大赦上自散齋即進蔬茹禮畢御樓始飲酒焉

欽定四庫全書

續資治通鑑長編
卷六十一

三

辛酉詔郊祀事有關誤不恭者無得以赦原罪

癸亥兵部侍郎平章事寇準加中書侍郎兼工部尚書

楚王元佐加檢校太師右衛上將軍彭城郡王元偓為

靜難彰化節度使進封寧王安定郡王元偁為宣德保

寧節度使進封舒王曹國公元儼進封廣陵郡王武信

節度使安定郡王惟吉加同平章事樞密使檢校太保

王繼英加檢校太傅兵部侍郎參知政事王旦為尚書

左丞工部侍郎參知政事馮拯簽書樞密院事陳堯叟

並為刑部侍郎自餘羣臣各以序進秩或加階勲爵邑有差

乙丑命羣牧判官著作佐郎王曙假開封府推官吏部郎中俟契丹使至日持知府張雍書禮迎勞于郊

是歲江浙大穰穀價尤賤舳舻銜尾入湊京都會汴水乾淺故輦下糧斛湧貴丙寅令減價糶官米以濟民

戊辰以內殿崇班閣門祗候錢昭晟為崇儀副使是春昭晟計畫減修黃河工料歲終無餘故賞之

欽定四庫全書

續資治通鑑長編
卷六十一

高

已巳命屯田員外郎判三司勾院杜夢誥假檢校秘書少監開府少尹錢契丹使於上德橋自後皆以府判官假少尹為餞送推官假判官郎中為接迓不復命他官

五月末所書
總例可考

庚午河東轉運使鮑中和上言嵐州合河津歲收渡錢二百八十餘貫自廢濁輪寨商旅止由保德沙谷大堡等津請依合河渡收課詔合河沙谷大堡等津並勿收渡錢

癸酉契丹國母遣使左金吾衛上將軍耶律留寧副使

崇祿卿劉經國主遣使左武衛上將軍耶律烏延副使

衛尉卿張肅來賀承天節對於崇德殿留寧等將見館

伴使李宗諤引令式不許佩刀至上閣門留寧等欣然

解之上聞之曰戎人佩刀是其常禮不須禁以令式即

傳詔聽自便留寧等感悅謂宗諤曰聖人推心置人腹

中是以示信遐邇也又舊制舍利從人惟上等八見自

餘拜於殿門之外上悉許令入見節日上壽班在諸王

欽定四庫全書

續資治通鑑長編
卷六十一

高

將軍之下大將軍之上

十二月乙亥朔命知雜御史王濟與三司催欠司除放

逋負

丙子承天節羣臣上壽於崇德殿舊制中書門下樞密

院文武百僚內職既上壽詣大相國寺行香設會於資

聖閣至是樞密使而下前一日罷道場赴會是日樞密

與學士三司使副復集遂以為常

已卯召輔臣於龍圖閣觀契丹禮物及祖宗朝所獻者

自後使至必以綺帛分賜中書樞密院果實脯腊賜近
臣三館凡承天節獻刻絲花羅御樣透背御衣七襲或
五襲七件紫青貂鼠氍毹披或銀鼠鵝項鴨頭納子塗金
銀裝箱金龍水晶帶銀押副之錦緣皂皴皮鞞金玦束
皂白熟皮鞞鞣細錦透背清平內製樣合線縷機綾共
三百匹塗金銀龍鳳鞍勒紅羅押金線繡方鞞二具白
楮皮黑銀鞍勒氍毹二具綠褐楮皮鞍勒海豹皮鞞二
具白楮皮裏筋鞭二條紅羅金銀線繡雲龍紅錦器仗
欽定四庫全書

續資治通鑑長編
卷六十一

五

百品水晶鞍勒新羅酒青白鹽國主或致戎器鑲鐵刀
鷲禽曰海東青之類承天節又遣庖人持本國異味前
一日就禁中造食以進御云 禮部貢院言昨詳進士
所納公卷多假借他人文字或用舊卷裝飾重行或為
傭書人易換文本是致考校無準請自今並令舉人親
自投納仍於試紙前親書家狀如將來程試與公卷全
異及所試文字與家狀書體不同並駁放之或假用他
人文字辯認彰露即依例扶出永不得赴舉其知舉官
欽定四庫全書

續資治通鑑長編
卷六十一

五

亦望先一月差入貢院考較公卷分為等第如事業殊
異者至日更精加試驗所冀抱藝者不失搜羅躁進者
難施偽濫又言尚書周易學究近年并為一科欲請試
本經日每十道義二經各問五道仍雜問疏義五道經
注五道以為定式向來明法止試六場今請依尚書例
試七場第一場第二場試律第三場試令第四場第五
場試小經第六場試令第七場試律仍於試律日雜問
疏義五道三禮三傳經業稍大難為精熟請每十道義